



Sarajevo, 7.5.2009.

Štrajk na Univerzitetu u Sarajevu počinje 10. juna u 9. časova!

Na sjednici Centralnog odbora Sindikata Univerziteta u Sarajevu održanog dana 06.05.2008 god. razmotreni su rezultati izjašnjavanja članica Univerziteta i konstatovano je da su se šesnaest Fakulteta i akademija (Mašinski fakultet, Elektrotehnički fakultet, Fakultet za saobraćaj i komunikacije, Fakultet kriminalističkih nauka, Fakultet političkih nauka, Poljoprivredni i prehrambeni fakultet, Šumarski fakultet, Pedagoška akademija, Veterinarski fakultet, Stomatološki fakultet, Fakultet zdravstvenih studija, Farmaceutski fakultet, Medicinski fakultet, Akademija likovnih umjetnosti, Muzička akademija i Akademija scenskih umjetnosti) voljom velike većine zaposlenih (od 60% pa do 95%) izjasnili za štrajk kao jedino sredstvo za promjenu statusa zaposlenih na Univerzitetu u Sarajevu. Na Filozofskom fakultetu još nije završen proces izjašnjavanja zbog ometanja procesa izjašnjavanja.

Određeno je da štrajk počne 10 juna (srijeda) u 9 časova i da traje do promjene statusa zaposlenih na Univerzitetu u Sarajevu. Štrajk će se odvijati na visokoškolskim institucijama koje su se izjasnile za štrajk.

Većina zaposleni na Univerzitetu u Sarajevu traži da:

1. Plaće zaposlenih na Univerzitetu u Sarajevu budu jednaka plaćama zaposlenih u službama Kantona Sarajevo i institucijama koje se finansiraju iz budžetskih sredstava za istu složenost i odgovornost poslova.

To podrazumijeva da gornji limit je plaća redovnog profesora i ona treba da bude jednaka plaći ministra u Vladi Kantona Sarajevo sa svim standardnim dodacima, pa dalje naniže.

2. Topli obrok, naknada za prevoz, regres, otpremnine, naknade za teže bolesti ili za smrtni slučaj i ostala prava, zaposleni na Univerzitetu u Sarajevu treba da koriste iz budžetskih sredstava na isti način kao i zaposleni u službama Kantona Sarajevo i ostali korisnici budžetskih sredstava.
3. Odmah pristupiti potpisivanju Kolektivnog ugovora sa Sindikatom Univerziteta u Sarajevu (prije više od 700 dana su definirana osnove Kolektivnog ugovora sa Ministarstvom obrazovanja i nauke).
4. Da Vlada Kantona Sarajevo pod hitno predloži na usvajanje Skupštini Kantona Sarajevo prijedlog dopune Zakona o visokom obrazovanju u kojem će u prelaznim i završnim odredbama stajati:

„Asistenti i viši asistenti koji su izabrani prvi put po prethodnom Zakonu o visokom obrazovanju imaju pravo na reizbor pod uvjetima iz Zakona po kojem su izabrani prvi put.“

Predsjednik Sindikat Univerziteta u Sarajevu

Prof. Dr Berko Zečević